



Broj: 0101-7218-7/20

Sarajevo, 10. 08. 2020. godine

Na osnovu člana 69. stav (1) tačka a) i člana 70. stav (1), (3) i (6) Zakona o javnim nabavkama Bosne i Hercegovine („Službeni glasnik BiH“ broj: 39/14) i člana 62. Statuta Univerziteta u Sarajevu, nakon provedenog otvorenog postupka za javnu nabavku USLUGE AVIO PREVOZA, na preporuku Komisije za provođenje postupka javne nabavke broj: 0101-7218-6/20 od 10. 08. 2020. godine, rektor Univerziteta u Sarajevu je d o n i o

ODLUKU
o izboru ponuđača i dodjeli ugovora

Član 1.

Prihvata se preporuka Komisije za provođenje postupka javne nabavke broj: 0101-7218-6/20 od 10. 08. 2020. godine i ugovor o javnoj nabavci USLUGE AVIO PREVOZA, dodjeljuje ponuđaču VENTURA TRAVEL AGENCY d. o. o. Donja Čaršija 1a, 72270 Travnik, čija ukupna cijena ponude iznosi: 101.500,00 KM bez PDV-a (slovima: stotinujednahiljadpetstotina KM i 00/100), iz razloga što je u otvorenom postupku javne nabavke dostavio prihvatljivu ponudu.

Član 2.

Izabrani ponuđač je dužan na adresu Univerziteta u Sarajevu, Obala Kulina bana 7/II, Sarajevo, u roku od 3 (tri) dana od dana zaprimanja ove Odluke, dostaviti originale ili ovjerene kopije dokaza traženih tačkom 13.1. i 13.3. Tenderske dokumentacije, ne starije od 3 (tri) mjeseca od dana predaje ponude, u skladu sa dostavljenom Izjavom ponuđača, s tim da datum izdavanja dokumenata ne smije biti nakon datuma podnošenja ponude.

Član 3.

Ova Odluka će biti objavljena na web stranici Univerziteta u Sarajevu www.unsa.ba, istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama BiH.

Obrazloženje

Na osnovu Odluke o pokretanju postupka javne nabavke broj: 0101-7218-1/20 od 16. 07. 2020. godine, Univerzitet u Sarajevu je pokrenuo otvoreni postupak za javnu nabavku USLUGE AVIO PREVOZA.

Za provođenje postupka predmetne javne nabavke, Odlukom broj: 0101-7218-2/20 od 16. 07. 2020. godine, imenovana je Komisija za provođenje predmetnog postupka javne nabavke.

Obavještenje o nabavci broj: 999-1-2-81-3-65/20 objavljeno je na Portalu javnih nabavki dana 17. 07. 2020. godine.

Istog dana, na Portalu javnih nabavki objavljena je i Tenderska dokumentacija broj: 0101-7218-3/20 od 17. 07. 2020. godine.

Sažetak Obavještenja o nabavci broj: 999-1-2-81-3-65/20 objavljen je u “Službenom glasniku BiH” broj: 44 od 24. 07. 2020. godine.

Iz Izvještaja o preuzimanju tenderske dokumentacije od strane ponuđača, kreiranog sa Portala javnih nabavki dana 03. 08. 2020. godine u 10:07 sati, vidljivo je da su, u periodu koji je ostavljen za dostavljanje ponuda, sa Portala javnih nabavki Tendersku dokumentaciju preuzeli slijedeći potencijalni ponuđači: TELNET d. o. o. Stupska bb, 71210 Ilidža; BBS EUROPE Hilandarska 13/10, 71123 Istočno Sarajevo; EKAPIJA d. o. o. Bulevar Mihajla Pupina 10a, Novi Beograd, Srbija, 76300 Bijeljina; VENTURA TRAVEL AGENCY d.o.o. Donja Čaršija 1a, 72270 Travnik; AWOSS TENDER a--01, st rohidas c h s dhorwada, 400017 mumbai; GOBOOK d. o. o. Alaudin 10, 71300 Visoko; VIP TRAVELS d. o. o. Zelenih beretki bb, 71000 Sarajevo; KOMPAS-SARAJEVO d. o. o. Titova br 8, 71000 Sarajevo; TEVE VARNOST ELEKTRONIKA d. o. o. Čajengradska 6A, 71300 Visoko; BH PASSPORT d. o. o. Radićeva 3, 71000 Sarajevo; RELAX TOURS d. o. o. Alekse Šantića 5, 71000 Sarajevo.

Iz Izvještaja o pitanjima i odgovorima u vezi sa tenderskom dokumentacijom, kreiranog sa Portala javnih nabavki dana 03. 08. 2020. godine u 10:08 sati, vidljivo je da, u periodu koji je ostavljen za dostavljanje pitanja i odgovora (do datuma: 29. 07. 2020. godine), od strane potencijalnih ponuđača **nije bilo postavljениh pitanja** za pojašnjenje Tenderske dokumentacije broj: 0101-7218-3/20 od 17. 07. 2020. godine.

Na Tendersku dokumentaciju broj: 0101-7218-3/20 od 17. 07. 2020. godine **nije bilo žalbi** od strane potencijalnih ponuđača.

Iz Zapisnika o otvaranju ponuda je vidljivo da je dana 03. 08. 2020. godine u 10:30 sati Komisija za provođenje postupka nabavke, izvršila javno otvaranje blagovremeno prispjelih ponuda slijedećih ponuđača:

R. br.	Naziv i sjedište ponuđača USLUGE AVIO PREVOZA	Broj prijemnog protokola	Datum i vrijeme prijema ponude
1.	GOBOOK d. o. o. Alaudin 10, 71300 Visoko	0101-7878/20	28. 07. 2020. godine u 10:00 sati
2.	VIP TRAVELS d. o. o. Zelenih beretki bb, 71000 Sarajevo	0101-8034/20	30. 07. 2020. godine u 12:05 sati
3.	VENTURA TRAVEL AGENCY d. o. o. Donja Čaršija 1a, 72270 Travnik	0101-8077/20	03. 08. 2020. godine u 08:30 sati
4.	BH PASSPORT d. o. o. Radićeva 3, 71000 Sarajevo	0101-8079/20	03. 08. 2020. godine u 08:55 sati
5.	KOMPAS-SARAJEVO d. o. o. Titova br 8, 71000 Sarajevo	0101-8090/20	03. 08. 2020. godine u 09:35 sati

Na javnom otvaranju ponuda nisu bili prisutni predstavnici ponuđača.

Od strane članova Komisije i ostalih prisutnih na javnom otvaranju ponuda, nije bilo primjedbi na postupak otvaranja ponuda i ostale priopćene informacije.

Zapisnik sa javnog otvaranja ponuda je dana 0. 08. 2020. godine upućen putem e-maila i putem pošte ponuđačima koji su blagovremeno dostavili ponude.

U Zapisniku o otvaranju ponuda je konstatovano da nije bilo neblagovremenih ponuda.

Komisija za javnu nabavku je u Zapisniku o otvaranju ponuda sačinila sažetak ponuda primljenih u roku (kriterij za dodjelu ugovora "ekonomski najpovoljnija ponuda").

Iz Zapisnika Komisije za javnu nabavku je vidljivo da je Komisija započela sa pregledom ponuda dana 05. 08. 2020. godine u 11:00 sati, radi ocjene ponuda, odnosno da bi utvrdila da li su ponuđači ispunili uslove iz člana 45. do 50. Zakona o javnim nabavkama koji su traženi Tenderskom dokumentacijom, kao i da bi utvrdila da li su ponuđači dostavili tehnički zadovoljavajuće ponude u skladu sa zahtjevima iz Tenderske dokumentacije, te da li su kvalifikovani za izvršenje predmetne usluge.

U Zapisniku o pregledu i ocjeni ponuda, na osnovu dostavljene dokumentacije, Komisija za provođenje postupka nabavke je ocijenila da se:

- na ponudu ponuđača GOBOOK d. o. o. Alaudin 10, 71300 Visoko, PRIMJENJUJE preferencijalni tretman domaćeg,
- na ponudu ponuđača VIP TRAVELS d. o. o. Zelenih beretki bb, 71000 Sarajevo, PRIMJENJUJE preferencijalni tretman domaćeg,
- na ponudu ponuđača VENTURA TRAVEL AGENCY d. o. o. Donja Čaršija 1a, 72270 Travnik, NE PRIMJENJUJE preferencijalni tretman domaćeg,
- na ponudu ponuđača BH PASSPORT d. o. o. Radićeva 3, 71000 Sarajevo, PRIMJENJUJE preferencijalni tretman domaćeg,
- na ponudu ponuđača KOMPAS-SARAJEVO d. o. o. Titova br 8, 71000 Sarajevo, PRIMJENJUJE preferencijalni tretman domaćeg.

Iz Zapisnika o pregledu i ocjeni ponuda je vidljivo da je Komisija za javnu nabavku nakon provjere računске ispravnosti dostavljenih ponuda ocijenila da je:

1. ponuda ponuđača GOBOOK d. o. o. Alaudin 10, 71300 Visoko, RAČUNSKI ISPRAVNA;
2. ponuda ponuđača VIP TRAVELS d. o. o. Zelenih beretki bb, 71000 Sarajevo, RAČUNSKI ISPRAVNA;
3. ponuda ponuđača BH PASSPORT d. o. o. Radićeva 3, 71000 Sarajevo, RAČUNSKI ISPRAVNA;
4. da je ponuđač VENTURA TRAVEL AGENCY d. o. o. Donja Čaršija 1a, 72270 Travnik, u Obrascu za cijenu ponude-PRILOG II, napravio računsku grešku kod izračunavanja PDV-a (na naknada za uslugu rezervacije i obezbjeđivanje avio karata), koju je Komisija za javne nabavke ispravila, uputila zahtjev za saglasnost na ispravku računске greške u kojem je označeno koji dio ponude je ispravljen, kao i nova cijena ponude dobivena nakon ispravke, a ponuđač VENTURA TRAVEL AGENCY d. o. o. Donja Čaršija 1a, 72270 Travnik je dana 06. 08. 2020. godine, dao saglasnost na ispravku računске greške;
5. Ponuđač KOMPAS-SARAJEVO d. o. o. Titova br 8, 71000 Sarajevo u Obrascu za cijenu ponude-PRILOG II nije naveo ni jediničnu, niti ukupnu cijenu stavke u KM za naknadu za uslugu rezervacije i obezbjeđivanja avio karata, pa Komisija za javne nabavke nije mogla izvršiti ispravku računске greške, s obzirom da je članom 17. Uputstva za pripremu modela tenderske dokumentacije i ponuda („Službeni glasnik BiH“ broj: 90/14) utvrđeno da se jedinična cijena stavke (koju ponuđač nije ni naveo), ne može ispravljati.

Nakon pregleda ponuda, Komisija za javnu nabavku je u Tački 10. Zapisnika o pregledu i ocjeni ponuda uradila detaljan analitički prikaz traženih i dostavljenih dokumenata na osnovu kojih se utvrđuje da li postoje razlozi isključenja ponuđača, pa je na osnovu navedenog Komisija ocijenila da je:

1. Ponuda ponuđača GOBOOK d. o. o. Alaudin 10, 71300 Visoko, NEPRIHVATLJIVA;
2. Ponuda ponuđača VIP TRAVELS d. o. o. Zelenih beretki bb, 71000 Sarajevo, NEPRIHVATLJIVA;
3. Ponuda ponuđača VENTURA TRAVEL AGENCY d. o. o. Donja Čaršija 1a, 72270 Travnik, PRIHVATLJIVA;
4. Ponuda ponuđača BH PASSPORT d. o. o. Radićeva 3, 71000 Sarajevo, NEPRIHVATLJIVA;
5. Ponuda ponuđača KOMPAS-SARAJEVO d. o. o. Titova br 8, 71000 Sarajevo, NEPRIHVATLJIVA.

Iz Zapisnika o pregledu i ocjeni ponuda je vidljivo da je Komisija za javnu nabavku sačinila rangiranje prihvatljivih ponuda ponuđača na slijedeći način:

Kriterij za dodjelu ugovora „ekonomski najpovoljnija ponuda“	VENTURA TRAVEL AGENCY d. o. o. Donja Čaršija 1a, 72270 Travnik	
Podkriteriji koji se vrednuju unutar kriterija „ekonomski najpovoljnija ponuda“		
Cijena (KM bez PDV-a) Max 90 bodova	101.500,00	90 bodova
Umanjena ponuda za -30% (KM bez PDV-a) *	-	
Rok plaćanja (dana) Max 10 bodova	30 (trideset) dana	10 bodova
Ukupan broj dodijeljenih bodova		100 bodova
Rang		1

* Označava cijenu na koju se primjenjuje preferencijalni tretman

Iz Zapisnika Komisije je vidljivo da Komisija za javnu nabavku nije imala nejasnoća u ponudi ponuđača.

Na osnovu navedenog, Komisija za provođenje postupka javne nabavke je dala preporuku rektoru Univerziteta u Sarajevu da za nabavku USLUGE AVIO PREVOZA, donese odluku o izboru ponuđača i dodjeli ugovor ponuđaču VENTURA TRAVEL AGENCY d. o. o. Donja Čaršija 1a, 72270 Travnik, čija ukupna cijena ponude iznosi: 101.500,00 KM bez PDV-a (slovima: stotinujednahiljadapetstotina KM i 00/100).

Iz gore navedenih razloga, primjenom člana 69. stav (1) tačka a) Zakona o javnim nabavkama BiH, prihvaćena je preporuka Komisija za provođenje postupka javne nabavke i odlučeno je kao u dispozitivu ove Odluke.

POUKA O PRAVNOM LIJEKU:

Protiv ove Odluke može se izjaviti žalba, najkasnije u roku od deset (10) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi. Žalba se podnosi u najmanje tri (3) primjerka.

Naknada za pokretanje žalbenog postupka plaća se Uredu za razmatranje žalbi, u skladu sa članom 107. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama BiH.

Rektor

Prof. dr. Rifat Škrijelj



Dostaviti:

1. GOBOOK d. o. o. Alaudin 10, 71300 Visoko
2. VIP TRAVELS d. o. o. Zelenih beretki bb, 71000 Sarajevo
3. VENTURA TRAVEL AGENCY d. o. o. Donja Čaršija 1a, 72270 Travnik
4. BH PASSPORT d. o. o. Radićeva 3, 71000 Sarajevo
5. KOMPAS-SARAJEVO d. o. o. Titova br 8, 71000 Sarajevo
6. Služba za javne nabavke
7. Služba za računovodstvo i finansije
8. web stranica Univerziteta u Sarajevu
9. a/a

Prilog:

-Zapisnik o pregledu i ocjeni ponuda